

## Aningaasaqarnermut Ataatsimiititap suleriaasia

### Aningaasaqarnermut ataatsimiititaliap ataatsimiittarneri

§ 1. Ataatsimiititaliap ataatsimiinneri matoqqasuupput.

**Imm. 2.** Ataatsimiititaliap ataatsimiinnermini, kommunimi sulisut ataatsimiititaliami allatsissatut il.il. peqataaqqusinnaavai, takuuk aqutsinermi inatsisip § 28-ani imm. 4. Suliamut tunngatillugu paasisutissanik pissarsisinnaanissaq kissaatigineqarpat, ataatsimiititaliap ataatsimiinnermini inuit allat, matumani kommunalbestyrelsimi ilaasortat ilanngullugit, isumaqatiginninniarnerni najuuttussatut peqataaqqusinnaavai.

**Imm. 3.** Aqutsinermi inatsisip § 25-ani imm. 3 naapertorlugu, kommunalbestyrelsimi ilaasortat aningaasaqarnermut ataatsimiititaliami ilaasortaangitsut, ataatsimiititaliap ukiumut missingersuusiorfiusumut ukiunulluunniit missingersuusiorfiusunut aningaasartuutissanut missingersuusiaasa inaarutaasumik suliarineqarneranni, oqaaseqarsinnaanatik peqataanissaminnut pisinnaatitaapput.

§ 2. Ataatsimiititaliami ilaasorta q ataatsimiinnissani peqataasinnaangikkuni, kingusinnerpaamik ataatsimiinnissaq ullunik marlunnik sioqqullugu tamanna borgmesterimut nalunaarutigissavaa. Aalajangersakkanut imaqaarniliami ataatsimiinnerit tamaasa ilaasortat kikkut najuussimanginnersut nalunaarsorneqartassapput.

### Aningaasaqarnermut ataatsimiititaliami siulittaasoq siulittaasullu tullia.

§ 3. Aqutsinermik inatsisip § 24-ani imm. 2 naapertorlugu, borgmesteri aningaasaqarnermut ataatsimiititaliami siulittaasuvoq.

**Imm. 2.** Borgmesterip tullia aningaasaqarnermut ataatsimiititaliami siulittaasup tullerivaa, aqutsinermi inatsimmi § 22 imm. 2 naapertorlugu, aqutsinermi inatsisikkut kommunillu aqunneqarnerani ileqqoreqqusatigut borgmesterimut suliakkiutigineqartut ikinnerpaamik ulluni 21-ni sularinissaanut borgmesteri pisinnaangippat, suliassat taakku borgmesterip tulliaata suliarissammagit.

### Ataatsimiigiaqqusinerit, oqaluserisassallu nassiunneqartarneri

**§ 4.** Ataatsimiititaliamut apeqquteqaatit allakkatigut saqqummiunneqartassapput. Ileqquusumik ataatsimiinnissaq kingusinnerpaamik ullunik arfineq-pingasuni sioqqullugu ilaasortaq suliamik suliarinninnissaq allakkatigut noqqaassutigisimappagu, suliaq ataatsimiinnissami siullermi ullormut oqaluuserisassanut borgmesterip ilanngutissavaa.

**Imm. 2.** Ileqquusumik ataatsimiinnissaq kingusinnerpaamik ullunik marlunnik sioqqullugu, oqaluuserisassat ataatsimiititaliami ilaasortanut ataasiakkaanut nassiunneqarnissaat borgmesterip isumagissavaa. Suliat ataasiakkaat naatsumik, ersarissumilli oqaluuserisassatigut nassuiarneqarsimassapput.

**Imm. 3.** Oqaluuserisassat ammasunut, matoqqasullu immikkoortinneqartassapput. Matoqqsumik oqaluuserisassat tassaapput:

- 1) suliassat, inunntut ataasiakkaanut tunngasunik naliliisoqassatillugu
- 2) suliassat illusinermut imaluunniit tunisinnermut tunngassuteqartut
- 3) sanaartornermut tunngatillugu missiliuutit imaluunniit neqeroorutit, tunniutassallu

**Imm. 4.** Immikkut ittumik ataatsimiinnissamut ataatsimiigiaqqusinnermi, ataatsimiinnermi suliassat suut suliarineqartussaannersut pillugit sapinngisamik annertunerpaamik, borgmesteri ilaasortanut ilisimatitsissuteqassaaq.

## **Aalajangiisinnaassuseqarneq ataatsimiinnermi aqutsineq suliallu saqqummiunneqartarnerat**

**§ 5.** Ilaasortat ikinnerpaamik affaat najuuppata, ataatsimiititaliaq aalajangiisinnaatitaavoq.

**Imm. 2** Ilaasortamit piumasaqartoqarnera tunngavigalugu ataatsimiititaliat aalajangersinnaavoq, attaveqaatit atorlugit ilaasortaq ataatsimeeqataasinnaavoq.

**§ 6.** Borgmesterip, peqataanngippallu siulittaasup tulliaata, ataatsimiititaliap ataatsimiinneri aquttassavai. Suliarineqartut siulersorneqarneranni apeqqutini tamani borgmesteri aalajangiisarpoq, ataatsimiinnerullu torersumik ingerlannissaa nakkutigissallugu. Taamatuttaaq oqaluuserisassat sorliit taasissutigineqassannersut oqaasertalersortassavai.

**Imm. 2.** Kinaluunniit oqaaseqarusuttoq borgmesterimut saaffiginnissaaq, taassumalu oqaaseqarumallutik nalunaartut tulleriinneri malillugit oqaaseqartittassallugit. Arlallit oqaaseqarumallutik ataatsikkut nalunaarpata, borgmesterip aalajangertassavaa qanoq tulleriinneqarlutik oqaaseqassannersut. Oqaaseqartut taamaallaat borgmesterimit unitsinneqarsinnaapput/qallerneqarsinnaapput.

**Imm. 3.** Torersumik ingerlatsinissap eqqortinneqarnissaanut tunngatillugu borgmesterip aalajangiinera, ilaasortanit ataasiakkaanit ataqpineqassaaq. Ilaasortaq ataatsimiinnermi ataatsimi marloriarluni torersumik pissuseqaqquneqarsimappat, borgmesterip siunnersuuteqarneratigut, ilaasortaq ataatsimiinnermi tassani oqaaseqaqqusaajunnaarsinnaavoq.



§ 7. Borgmesterip tulleriiaarinissamik aalajangiinera naapertorlugu suliassat suliarineqassapput, taamaalillunilu oqaluuserisassani tulleriiaarisimaneq borgmesterip allanngortissinnaallugu.

**Imm. 2.** Ilaasortaq kinaluunniit ataatsimiinnerup aallartinnerani oqaluuserisassat pillugit oqaaseqarumasinnaavoq, matumani oqaluuserisassat tulleriiaarsimaneranut apeqqutaasinnaasut ilanngullugit.

**Imm. 3.** Suliaq oqaluuserisassanut nassiunneqarsimasunut ilanngunneqarsimanngitsoq oqaluuserineqarsinnaanngilaq, suliarineqarnissaani tamanit isumaqatigineqarpat, sulialluunniit aalajangiiffiginissaa nalorninaateqanngippat, suliarluunniit kinguartinneqarsinnaanngippat suliarineqarsinnaalluni.

§ 8. Suliassaq ataaseq ataasiaannarlugu suliarineqassaaq, aatsaalli suliassap marloriarluni suliarineqarnissaa inatsisitigut aalajangersarsimatillugu, sulialluunniit marloriarluni suliarineqarnissamik ataatsimiititaliaq aalajangersimatillugu marloriarluni suliarineqartassalluni.

**Imm. 2.** Siullermeerlugu suliap suliarinerani suliaq sukumiisumik suliarineqassanersoq taasissutigineqartassanngilaq, aappassaaneerneqarnissaali taasissutigineqassalluni. Suliap saqqummiunneqartup aappassaaneerlugu eqqartorneqarnissaanut aalajangiisoqartinnagu, suliamut saqqummiunneqartumut ataatsimiititaliami ilaasortaq kinaluunniit oqaaseqarumanissaminut pisinnaatitaavoq. Suliaq ullormi ataatsimi siullermeerneqarlunilu aappassaaneerneqarsinnaanngilaq.

**Imm. 3.** Suliaq marloriarlugu suliarineqassappat, siullermeernerani pappiaqqat atukkat sapinngisamik ilaasortanut misissugassanngorlugit saqqummiunneqassapput, taakkuluunniit akornanni ingerlaartinneqarlutik.

§ 9. Suliap kommunalbestyrelsimit aalajangiiffigisassanngorlugu saqqummiunneqarnissaa ataatsimiinnermi kissaatigalugu, ataatsimiititaliami ilaasortap kialluunniit ataatsimiititaliami suliami aalajangiinerup ingerlateqqinnissaa unitsissinnaavaa. Tamannali inatsisit malillugit ataatsimiititaliani ataavartuni aalajangigassanut atuutinngilaq.

§ 10. Suliassat kinguartinneqarsinnaanngitsut imaluunniit nalornisoorutaasinnaanngitsut, kommunalbestyrelsi sinnerlugu borgmesterip aalajangiivigisinnaavai. Inatsit naapertorlugu suliat ataatsimiititaliamit suliarineqartussaanngippata, aningaasaqarnermut ataatsimiititaliaq tullissaanik ataatsimiileruni aalajangiineq pillugu ilisimatinneqassaaq.

### **Ilaasortat ataatsimiinnermi, taasinermilu peqataanerat**

§ 11. Ataatsimiititaliami ilaasortaq suliami aalajangersimasumi peqataasinnaanngilaq, tassa

- 1) namineq imminut eqqarsaatigaluni, aningaasalluunniit eqqarsaatigalugit suliap qanoq inerineqarnissaanik soqutiginnilluinnartuuguni imaluunniit siusinnerusukkut suliami tassani kimulluunniit taamatut soqutiginnittumut sinniisuusimaguni,

- 2) taassuma aapparisa, eqqarlia imaluunniit aappariinnikkut siulimigut kinguaamigulluunniit siulimiluunniit qatanngutaasigut imaluunniit allatigut qanitaasigut qanitsigisumik qanigisarinnittuusoq imminut eqqarsaatigaluni, aningaasalluunniit eqqarsaatigalugit suliap qanoq inernejarnissaanik soqutiginnittuuppat imaluunniit kimut taamatut soqutiginnittumut sinniisuuppat,
- 3) ingerlatseqatigiiffiup, peqatigiiffiup siulersuisuini ilaasortaaguni imaluunniit tamakkununga imaluunniit inuinnarmut allamut inatsisinik paasisimasalimmut, suliap qanoq inernejarnissaanik soqutiginnilluinnartumut, allatigut qanilluinnartuuguni,
- 4) suliaasaq pisortatut oqartussaaffiup allap misissuisutut imaluunniit nakkutilliisutut sulineranut tunngasuuppat, tamatumunngaluunniit naammagittaalliutaappat, naammagittaalliortorlu taanna suliaarineqartumut taannaluunniit tunngavigalugu pineqaatissiisutaasut nammassineqarnissaannut oqartussaaffimmi tassani siusinnerusukkat aalajangeeqataasimappat, imaluunniit
- 5) pissutissaqarpat kinaassusersiorsinnaangissusia qularilissallugu.

**Imm. 2.** Suliamili peqataasinnaanginneraasoqarsinnaangilaq soqutiginninnerup pissusia annertussualuunniit, suliaasaq pissusia imaluunniit inuup taassuma suliaasaq suliarineqarneranut atasumik suliai pissutigalugit isumaqarnangippat aarleqqutissaasoq suliaasami aalajangiinissap soqutigisanut tunnganngitsunit sunnernejarnissaa.

**Imm.3.** Suliaasami pissuteqartumik peqataasinnaangitsoq suliaasaq suliarineqarnerani aalajangiissanngilaq, aalajangiinermi peqataassanngilaq allatulluunniit peqataassanngilaq.

§ 12. Aqutsinermut inatsisip § 14 imm. 2-a naapertorlugu, ilaasortap peqataasinnaanerminut atatillugu nalornisooruteqaruni tamatuminnga ataatsimiititaliaq ilisimatissavaa..

§ 2. Suliami ilaasortap soqutigisai qanoq ittueneri aallaavigalugit ataatsimiititaliap saqqummiussinerani, isumaqatigiinniarnenerani, suliamilu taasinermi ilaasortaq ilaatinnejassannginnersoq ataatsimiititaliap aalajangertassavaa. Taama aalajangiisoqartillugu pineqartoq suliaq pillugu isumaqatigiinniarnermi taasinermilu ataatsimiiffimmiit anissaaq, taamaattorli suliap pineqartup suliarineqarnerani ilaasortaq ataatsimiititaliap isumaqatigiinniarnenerani taasineranilu peqataasinnaalluni.

### **Taasisitsineq:**

#### **Allannguutissatut - aamma allannguutaaqqittussatut siunnersuutit**

§ 13. Taasinerit ima ingerlanneqartassapput, ilaasortat issiavimminniit nikuittarlutik, nappaasarlutik imaluunniit arlaatigut paatsoorneqarsinnaangitsumik siunnersuummut isumaqataanerlutik isumaqataanginnerlutilluunniit nalunaarutigalugu.



**Imm. 2.** Aalajangiinerit tamarmik amerlanerussuteqarnikkut aalajangerneqartassapput.

**Imm. 3.** Borgmesterip nalilerpagu, suliap inernera qularutissaanngingaarmat taasinissaq pisariaqanngitsoq, taava taamatut paasinninnini oqaatigeriarlugu suliamut tunngatillugu qanoq aalajangiisoqassanersoq oqaatigisassavaa. Tamatuma kingorna ilaasortat arlaannaalluunniit taasisitsinissamik piumasaqaateqanngippat borgmesteri nalunaaruteqassaaq, nammineq paasinninnini naapertorlugu oqaatigisamisut suliassaq aalajangiivigineqartoq.

**Imm. 4.** Allakkatigut qinersisoqassatillugu allagartat qinersiffissat atorineqassapput, borgmesterimillu agguanneqarlutik. Borgmesteri isumaqarpat ilimagineqarsinnaasoq, ataatsimiititaliaq qinigassanngortittumik aalajangersimasumik toqqaaniartoq imaluunniit toqqaqqinniartoq, taava siunnersuutigisinnaavaa, pineqartoq allaganngorlugu taasinertaqanngitsumik toqqarneqassasoq. Tamatuma kingorna ilaasortat arlaannaalluunniit taamatut taasisoqarnissamik piumasaqaateqanngippat, qinigassanngortitaq siunnersuutigineqartoq qinigaasutut isigineqassaaq.

§ 14. Taasineq aallartissimatinnagu allannguutissatut, allannguutillu ataanni allannguutissatut siunnersuutit saqqummiunneqarsinnaapput, sulianilu marloriarlugit suliarineqartussani siullermeerluni suliarinninnermi saqqummiunneqartariaqanngillat imaluunniit sammineqartariaqaratik, taamaattorli imm. 2 takuuk.

**Imm. 2.** Suliassat marloriarlugit suliarineqartussat eqqarsaatigalugit ataatsimiititaliaq aalajangiisinnaavoq, allannguutissatut siunnersuutinik aamma allannguutigiteqqitassatut siunnersuutinik saqqummiinissamat piffissaqartitsisoqassasoq, taamaattoqassappallu piffissaritinneqartup kingorna saqqummiunneqarsinnaanngitsut.

**Imm. 3.** Allannguutissatut siunnersuut aamma allannguutigiteqqitassatut siunnersuut aappassaaneerlugu suliarineqarnissaa sioqqullugu ilaasortanut ilisimasassatut tunniunneqarsimanngippat, isumaqatigiinniarnep aallartinnerani borgmesteri siunnersuutit pillugit nalunaaruteqassaaq, tamatumanili apeqqutaassalluni pappiaranngorlugit tunniunneqarsimanersut. Allannguutissatut siunnersuutit qanoq tulleriinnilerlugit taasisutigineqassanersut borgmesterip aalajangissavaa, imatulli isikkulerlugit, taakkua taasisutigineqarneri siunnersuutip pingaarnep taasisutigineqarnissaa sioqqullugu pisassalluni.

### **Amerlanerussuteqarluni qinersineq**

§ 15. Amerlanerussuteqartitsilluni qinersinnermi, qinigassanngortittoq ilaasortanit najuuttunit amerlanerpaanit taaneqartoq qinigaassaaq. Taama amerlanerussuteqartoqanngippat, taava taaneqartunit amerlanerit marluk aallaavigalugit taasisoqassaaq. Toqqaasut amerlaqatigiippata makitsinikkut aalajangiineq pissaaq.

### **Aalajangiinnermut imaqarniliaq**

§ 16. Ataatsimiititaliap aalajangiineri ataatsimiittoqartillugu aalajangiinernut imaqarniliami, ataatsimiititaliap allattaanit allanneqassapput. Qanoq allanneqassanersut, borgmesterip oqaatigissavaa.

**Imm. 2.** Ilaasortap allatut isumaqarnini naatsumik allatsissinnaavaa.

**Imm. 3.** Ilanngunneqartut atuarneqareerpata aalajangiinernit imaqarniliaq ataatsimiinnerup naanerani ilaasortanit tamanit ataatsimiinnermi peqataasunit atsiorneqassaaq. Ilaasortat taasinerminnut innersuussuteqarlutik imaluunniit allanik pissuteqarlutik aalajangiinernut imaqarniliamik atsiornissaat tunuarsimaarfīgisinnaangilaat. Aalajangiinermut imaqarniliaq ataatsimiinnermi peqataasunit atsiorneqarnissaa borgmesterip qulakkiissavaa.

**Imm. 4.** Ataatsimiinnermit ammasumiit aalajangikkat tamanut takusassiarineqassapput.

### **Suleriaasissat aalajangersagaannik paasinnineq**

§ 17. Ilaasortaq kinaluunniit borgmesterip suleriaasissat qanoq paasineqarnissaat pillugu aalajangiineranik ataqqinnittussaavoq, apeqqusiinerli ataatsimiititaliap tullianik ataatsimiinnissaanut ingerlateqqinneqarsinnaalluni.

### **Suleriaatsimi allannguutit.**

§ 18. Suleriaatsimi allannguutit tapiliussallu ataatsimiititaliap ileqquusumik ataatsimiiffissaani oqaluuserineqassapput.

§ 19. Suleriaaseq manna ulloq 15. marts 2022 atuutilerpoq.

Aningaasaqarnermut ataatsimiititaliami siulittaasoq



Malik Berthelsen